

摘藻堂四庫全書薈要

集部

欽定四庫全書蒼要卷一萬七千五百二十九

集部

御定全唐詩卷一百二十四

徐安貞

徐安貞初名楚璧龍丘人應制舉一歲三登甲科開元
中為中書舍人集賢院學士帝屬文多令視草終中書
侍郎與李林甫同用事天寶後避罪衡山岳寺李邕識
之因載北歸行至長沙謂其守曰瀟湘逢故人若幽谷
之覩太陽不然委填巖穴矣詩十一首

書殿賜宴應制

校文常近日賜宴忽升天酒正傳栝至饗人捧案前玉
階鳴溜水清閣引歸煙共惜芸香暮春風幾萬一作幾年

從駕溫泉宮

神女調溫液年年待聖人試開臨水殿來洗屬車塵暖
氣隨明主恩波浹近臣靈威自無極從此獻千春

送呂向補闕西岳勒碑

聖作西山頌君其出使年勒碑懸日月驅傳接雲煙寒

盡函關路春歸洛水邊
別離能幾許朝暮玉墀前

送丹陽採訪

郡縣分南國皇華出聖朝
為憐鄉擢近不道使車遙
舊

俗吳三讓遺風漢六條
願言除疾苦天子聽歌

一作謳
謠

送王判官

明月開三峽花源出五谿
城池青壁裏煙火綠林西
不畏王程促惟愁仙路迷
巴東下歸擢莫待夜猿啼

題襄陽圖

畫得襄陽郡依然見昔遊峴山思駐馬漢水憶迴舟丹
壑常含霽青林不換秋圖書一作畫圖空咫尺千里意悠悠

程將軍夫人挽詩

琴瑟調雙鳳和鳴不獨飛正歌春可樂行泣露先晞環
珮聲猶在房櫳夢不歸將軍休沐日誰勸著新衣

奉和喜雪應制

兩宮齋祭近登臨雨雪紛紛天晝陰祇為輕寒無瑞色
頓教正月滿春林蓬萊北上旌門暗花萼南歸馬跡深

自有三農歌帝力還將萬庾答堯心

聞鄰家理箏

北斗橫天夜欲闌愁人倚月思無端忽聞畫閣奏箏逸
知是鄰家趙女彈曲成虛憶青蛾斂調急遙憐玉指寒
銀鑰重關聽未闌不如眠去夢中看

奉和聖製早度蒲津關

仙掌臨秦甸虹橋闢晉關兩都分地險一曲度河灣路
得津門要時稱古戍閒城花春正發岸柳曙堪攀後乘

猶臨水前旌欲換山長安迴望日宸御六龍還

奉和聖製答二相出雀鼠谷

兩臣初入夢二月扈巡邊澗北寒猶在山南春半傳頌
聲先奉御辰象復回天雲日明千里旌旗照一川柳陰
低輦路草色變新田還望汾陽近宸遊自窅然

句

暮雨衣猶濕春風帆正開

雲溪友議

崔翹

崔翹融之子開元中與兄禹錫相次為中書舍人歷禮
部侍郎贈荊州大都督詩三首

奉和聖製答張說南出雀鼠谷

硤路繞河汾晴光拂一作掃曙氛笳吟中嶺樹仗入半峯

雲頓覺山原盡平看邑里分早行芳草迴一作樹遠晚憩好

風熏嘉頌推英宰春遊扈聖君共欣承睿渥日月照天

文

送友人使夷陵

猿鳴三峽裏行客舊沾裳復道從茲去思君不暫忘開
襟春葉短分手夏條長獨有幽庭桂年年空自芳

鄭郎中山亭

篆筆飛章暇園亭染翰游地竒人境別事遠俗塵收書
閣山雲起琴齋澗月留泉清鱗影見樹密鳥聲幽杜鵑
熏梅雨荷香送麥秋無勞置驛騎文酒可一作暗相求

梁昇卿

梁昇卿與張九齡善涉學工書尤長八分書東封朝覲

碑為時絕筆歷廣州都督詩一首

奉和聖製荅張說扈從南出雀鼠谷

何意重關道千年過

一作遇

聖皇幽林承睿

一作惠

澤間客

見清光日御仙

一作先

途遠山靈壽域

一作獻壽

長寒雲入晉

薄春樹隔浴香國佐同時雨天文屬歲陽從來漢家盛
未若此巡方

吳鞏

吳鞏少微子以文行知名開元中為中書舍人詩一首

白雲溪

山徑入修篁，深林蔽日光。
夏雲生嶂遠，瀑水引溪長。
秀跡逢皆勝，清芬坐轉涼。
回看玉樽夕，歸路賞前忘。

陸海

一作孫海

陸海餘慶之孫，有才思，與陳子昂、盧藏用為方外十友。
工於五言，為賀知章所賞。性巖峻，不附權要。自省郎出，
牧潮州，存詩二首。

題奉國寺

新秋夜何爽露下風轉淒一磬竹林一作外又一作裏千
燈花塔西

題龍門寺

窗燈林靄裏聞磬水聲中更與龍華會一作更籌爐煙

滿夕風

句

忽然一曲稱君心破却中人百家產城外平人驅欲

盡帳中猶打袞花毬諷刺詩

裴士淹

裴士淹開元末嘗為郎官詩一首

白牡丹

長安年少惜春殘
爭認慈恩紫牡丹
別有玉盤乘露冷
無人起就月中看

李元操

李元操開元初詩人詩一首

和從叔祿愔元日早朝

銅渾變秋節玉律動年灰曖曖城霞旦隱隱禁門開衆
靈奏仙府百神朝帝臺葉令雙鳧至梁王駟馬來戈鋌
映林闕歌管拂塵埃保章望瑞氣尚書免火災冠冕多
秀士簪裾饒上才誰憐張仲蔚日暮反蒿萊

顧朝陽

顧朝陽開元中人詩一首

昭君怨

莫將鉛粉匣不用鏡花光一去邊城路何情更畫妝影

銷胡地月衣盡漢宮香妾死非關命都

一作祇

緣怨斷腸

陶峴

陶峴潛之裔孫開元中家於崑山與孟彥深孟雲卿焦
遂遊嘗製三舟一舟自載一舟供賓客一舟置飲饌有
女樂一部奏清商之曲逢山泉則窮其景物吳越之士
謂之水仙詩一首

西塞山下迴舟作

匡廬舊業是誰

一作自有

主吳越新居安此生白髮數莖歸

未得青山一望計
還成鴉翻楓葉夕
陽動鷺立蘆花秋
水明從此舍舟何
所詣酒旗歌扇正
相迎

御定全唐詩卷一百二十四

欽定四庫全書薈要卷一萬七千五百三十

集部

御定全唐詩卷一百二十五

王維

王維字摩詰河東人工書畫與弟縉俱有俊才開元九年進士擢第調太樂丞坐累為濟州司倉叅軍歷右拾遺監察御史左補闕庫部郎中拜吏部郎中天寶末為給事中安祿山陷兩都維為賊所得服藥陽瘖拘於菩提寺祿山宴凝碧池維潛賦詩悲悼聞於行在賊平陷

賊官三等定罪特原之責授太子中允遷中庶子中書
舍人復拜給事中轉尚書右丞維以詩名盛於開元天
寶間寧薛諸王駙馬豪貴之門無不拂席迎之得宋之
問輞川別墅山水絕勝與道友裴迪浮舟往來彈琴賦
詩嘯詠終日篤於奉佛晚年長齋禪誦一日忽索筆作
書數紙別弟縉及平生親故舍筆而卒贈祕書監寶應
中代宗問縉朕常於諸王坐聞維樂章今存幾何縉集
詩六卷文四卷表上之勅答云鄉伯氏位列先朝名高

希代抗行周雅長揖楚辭詩家者流時論歸美克成編
錄歎息良深殷璠謂維詩詞秀調雅意新理愜在泉成
珠著辭成繪蘇軾亦云維詩中有畫畫中有詩也今編
詩四卷

酬諸公見過

時官未出
在輞川莊

嗟予未喪哀此孤生屏居藍田薄地躬耕歲宴輸稅以
奉粢盛晨往東臯草露未晞暮看煙火負擔來歸我聞
有容足埽荆扉簞食伊何馮瓜抓棗仰廁羣賢皤然一

老媿無筦簞班荆席藁汎汎登陂折彼荷花靜觀素鮪
俯映白沙山鳥羣飛日隱輕霞登車上馬倏忽雲
散雀噪荒村雞鳴空館還復幽獨重歎累歎

一作雨

奉和聖製登降聖觀與宰臣等同望應制

鳳宸朝碧落龍圖耀金鏡維嶽降二臣戴天臨萬姓山
川八校滿井邑三農竟比屋皆可封誰家不相慶林疎
遠村出野曠寒山靜帝城雲裏深渭水天邊映佳
氣含風景頌聲溢歌詠端拱能任賢彌彰聖君聖

一作喜

奉和聖製御春明樓臨右相園亭賦樂賢詩應
制

複道通長樂青門臨上路遙聞鳳吹喧
閣識龍輿度寨
旒明四目伏檻紆三顧小苑接侯家
飛甍暎宮樹商山
原上碧澹水杳端素銀漢下天章瓊筵承湛露將非富
人寵信以平戎故從來簡帝心詎得迴天步

奉和聖製送不蒙都護兼鴻臚卿歸安西應制

上卿增命服都護揚歸旆雜虜盡朝周
諸胡皆自郤鳴

笳瀚海曲按節陽關外落日下河源寒山靜秋塞萬方

氛祲息六合乾坤大一作泰無戰是天心天心同覆載

扶南曲歌詞五首

通典云武德初因隋舊制奏九部樂四曰扶南唐書禮樂

志云天寶樂曲皆以邊地名自河西至者有扶南樂舞

翠羽流蘇帳春眠曙不開羞從面色起嬌逐語聲來早
向昭陽殿君王中使催

堂上青弦動堂前綺席陳齊歌盧女曲雙舞洛陽人傾
國徒相看寧知心所親

香氣傳空滿妝華影箔通歌聞天仗外舞出御樓

一作
筵

中日暮歸何處花間長樂宮

宮女還金屋將眠復畏明入春輕衣好半夜薄妝成拂

曙朝前殿玉墀

一作
除

多珮聲

朝日照綺窗佳人坐臨鏡散黛恨猶輕插釵嫌未正同
心勿遽遊幸待春妝竟

隴西行

十里一走馬五里一揚鞭都護軍書至匈奴圍酒泉關

山正飛雪烽戍一作火斷無煙

從軍行

吹角動行人喧喧行人起笳悲一作應馬嘶亂爭渡金一作

黃河水日暮沙漠陞戰聲一作力戰煙塵裏盡繫名王頸歸

來獻一作報天子

早春行

紫梅發初遍黃鳥歌猶澁誰家折楊女弄春如不及愛
水看妝坐羞人映花立香畏風吹散衣愁露霑溼玉閨

青門裏日落香車入游衍益相思含啼向綵帷憶君長
入夢歸晚更生疑不及紅簷燕雙棲綠草時

早朝

皎潔明星高蒼茫遠天曙槐霧暗

一作鬱

不開城鴉鳴稍

去始聞高閣聲莫辨更衣處銀燭已成行

一作重

門儼

駟馭

獻始興公

時拜右拾遺

寧棲野樹林寧飲澗水

一作中

流不用坐梁肉崎嶇見王

侯鄙哉匹夫節布褐將白頭任智誠則短守仁固其優
側聞大君子安問黨與讐所不賣公器動為蒼生謀賤
子跪自陳可為帳下不感激有公議曲私非所求

贈從弟司庫負外綵

少年識事淺強學干名利徒聞躍馬年苦無出人智即
事豈徒言累官非不試既寡遂性歡恐招負時累清冬
見遠山積雪凝蒼翠浩然出東林發我遺世意惠連素
清賞夙語塵外事欲緩攜手期流年一何駛

座上走筆贈薛璩慕容損

希世無高節絕跡有卑棲君徒視人文吾固和天倪緬

然萬物始及與羣物

一作牧

齊分地依后稷用天信

一作奉

重黎春風何豫人令我思東溪草色有佳意花枝稍含
萋更待風景好與君藉萋萋

贈李頎

聞君餌丹砂甚有好顏色不知從今去幾時生羽翼王
母翳華芝望爾崑崙側文螭從赤豹萬里方一息悲哉

世上人甘此羶腥食

贈劉藍田

一作盧
象詩

籬間

一作
中

犬迎吠出屋候荆

一作
柴

扉歲晏輸井稅山村

人夜歸晚田始家食餘布成我衣詎肯無公事煩君問
是非

贈房盧氏瑄

達人無不可忘已愛蒼生豈復少十一作千室弦歌在兩

楹浮人日已歸但坐事農耕桑榆鬱相望邑里多鷄鳴

秋山一何淨蒼翠臨寒城視事兼偃卧對書不簪纓蕭
條人吏踈鳥雀下空庭鄙夫心所尚晚節異平生將從
海岳居守靜解天刑或可累安邑茅茨君試營

贈祖三詠

濟州官舍作

蠨蛸挂虛牖蟋蟀鳴前除歲晏涼風至君子復何如高
館閒無人離居不可道閒門寂已閉落日照秋草雖有
近音信千里阻河關中復客汝潁去年歸舊山結交二
十載不得一日展貧病子既深契潤余不淺仲秋雖未

歸暮秋以為期良會詎幾日終日

一作自

長相思

春夜竹亭贈錢少府歸藍田

夜靜羣動息時聞隔林犬却憶山中時人家澗西遠羨君明發去采蕨輕軒冕

戲贈張五弟諶三首

時在常樂東園走筆成

吾弟東山時心尚一何遠日高猶自卧鐘動始能飯領上髮未梳牀頭書不卷清川興悠悠空林對偃蹇青苔石上淨細草松下軟窗外鳥聲閒階前虎心善徒然萬

象多澹爾太虛緬一知與物平自顧為人淺對君忽自得浮念不煩遣

張弟五車書讀書仍隱居染翰過草聖賦詩輕子虛閉門二室下隱居十年餘宛是野人野一作也時從漁父漁

一作魚秋風自一作日蕭索五柳高且疎望此去人世渡水

向吾廬歲晏同攜手只應君與予

設置守鳧兔垂釣伺遊鱗此是安口腹非關慕隱淪吾

生好清淨

一作靜

蔬食去情塵今子方豪蕩思為鼎食人

我家南山下動息自遺身
入鳥不相亂見獸皆相親
雲霞成伴侶虛白侍衣巾
何事須夫子邀予谷口真

胡居士卧病遺米因贈

了觀四大因根性何所有
妄計苟不生是身孰休咎
色聲何謂客陰界復誰守
徒言蓮花目豈惡楊枝肘
既飽香積飯不醉聲聞酒
有無斷常見生滅幻夢受
即病即實相趨空定狂走
無有一法真無有一法垢
居士素通達隨宜善抖擻
牀上無壇卧鍋中有粥否
齋時不乞食

定應空漱口聊持數斗米且救浮生取

贈襄十迪

風景日夕佳與君賦新詩澹然望遠空如意方支頤春
風動百草蘭蕙生我籬曖曖日暖閨田家來致詞欣欣
春還臯淡淡水生陂桃李雖未開萋萋滿芳一作其枝請

君理還策敢告將農時

與胡居士皆病寄此詩兼示學人二首

一興微塵念橫有朝露身如是覩

一作都

陰界何方置我

人礙有固為主趣空寧捨賓洗心詎懸解悟道正迷津
因愛果生病從貪始覺貧色聲非彼妄浮幻即吾真四
達竟何遣萬殊安可塵胡生但高枕寂寞與誰鄰戰勝
不謀食理齊甘負薪予若未始異詎論疎與親

浮空徒漫漫汎有定悠悠無乘及乘者所謂智人舟詎
捨貧病域不疲生死流無煩君喻馬任以我為牛植福
祠迦葉求仁笑孔丘何津不鼓櫂何路不催輶念此聞
思者胡為多阻修空虛花聚散煩惱樹稀稠滅相

一想一作

成無記生心坐有求降吳復歸蜀不到莫相尤

奉寄韋太守陟

荒城自蕭索萬里山河空天高秋日迥嘹唳聞歸鴻寒
塘映衰草高館落疎桐臨此歲方宴顧景詠悲翁故人
不可見寂寞平陵東

林園即事寄舍弟純

次荊州
時作

寓目一蕭散銷憂冀俄頃青草肅澄陂

一作
波

白雲移翠

嶺後沔

一作
浦

通河渭前山包鄢郢松含風裏聲花對池

中影地多齋后瘡

一作瘡

人帶荊州瘦徒思赤筆書詎有

丹砂井心悲常欲絕髮亂不能整青簾日何長閒門晝
方靜願思茅簷下彌傷好風景

至滑州隔河望黎陽憶丁三寓

隔河見桑柘藹藹黎陽川望望行漸遠孤峰沒雲煙故
人不可見河水復悠然賴有政聲遠時聞行路傳

秋夜獨坐懷內弟崔興宗

夜靜羣動息蟋蟀聲悠悠庭槐北風響日夕方高秋思

子整羽翰及時當雲浮吾生將白首歲晏思滄州高足
在旦暮肯為南畝儔

和使君五郎西樓望遠思歸

高樓望所思目極情未畢枕上見千里窗中窺萬室悠
悠長路人曖曖遠郊日惆悵極浦外迢遞孤煙出能賦
屬上才思歸同下秩故鄉不可見雲水一作外空如一

酬黎居士浙川作

曇辭上人
院走筆成

儂家真箇去公定隨儂否着處是蓮花無心變楊柳松

龕藏藥裹石屑安茶白氣味當共知那能不攜手

送魏郡李太守赴任

與君伯氏

一作兄

別又欲與君離君行無幾日當復隔山

陂蒼茫秦川盡日落桃林塞獨樹臨關門黃河向天外

前經洛陽陌宛洛故人稀故人離別盡淇上轉驂駝

予悲送遠惆悵睢陽路古木官渡平秋城鄴宮

一作都

故

想君行縣日其出從如雲遙思魏公子復憶李將軍

送陸負外

郎署有伊人居然古人風天子顧河北詔書除

一作隸

征

東拜手辭上官緩步出南宮九河平原外七國薊門中
陰風悲枯桑古塞多飛蓬萬里不見虜蕭條胡地空無
為費中國更欲邀竒功遲遲前相送握手嗟異同行當
封侯歸肯訪高山翁

送宇文太守赴宣城

寥落雲外山迢遞舟中賞鏡吹發西江秋空多清響地
迴古城蕪月明寒潮廣時賽敬亭神復解罟師網何處

寄相思南風吹

一作
搖

五兩

送綦母秘

一作
校

書棄官還江東

明時久不達棄置與君同天命無怨色人生有素風念

君拂衣去四海將安窮秋天萬里淨日暮澄

一作
九

江空

清夜何悠悠扣舷明月中和光魚鳥際澹爾蕪葭叢無

庸容昭世衰鬢日

一作
白

如蓬頑踈暗人事僻陋遠天聰

微物縱可采其誰為至公余亦從此去歸耕為老農

奉送六舅歸陸渾

伯舅吏淮泗卓魯方喟然悠哉自不競退耕東臯田條
桑臘月下種杏春風前酌醴賦歸去共知陶令賢

送別

下馬飲君酒問君何所之君言不得意歸卧南山陔但
去莫復問白雲無盡時

送張五歸山

送君盡惆悵復送何人歸幾日同攜手一朝先拂衣東
山有茅屋幸為埽荆扉當亦謝官去豈令心事違

齊州送祖三

一作河上送趙仙舟
又作淇上別趙仙舟

相逢方一笑相送還成泣祖帳已

一作
帳忽

傷離荒城復愁

入天寒遠山淨日暮長河急解纜君已遙望君猶

一作
空

佇立

送縉雲苗太守

手疏謝明主腰章為長吏方從會稽邸

一作
郊

更發汝南

騎按節下松陽清江響鏡吹露冕見三吳方知百城貴

送從弟蕃遊淮南

讀書復騎射帶劍遊淮陰淮陰少年輩千里遠相尋高
義難自隱明時寧陸沈島夷九州外泉館三山深席帆
聊問罪卉服盡成擒歸來見天子拜爵賜黃金忽思鱸
魚膾復有滄洲心天寒薰葭渚日落雲夢林江城下楓
葉淮上聞秋砧送歸青門外車馬去駸駸惆悵新豈樹
空餘天際禽

送高適

一作道非

弟耽歸臨淮作

生上作

少年客淮泗落魄居下邳
遨遊向燕趙結客過臨淄
山

東諸侯國迎送紛交馳自爾厭游俠閉戶方垂帷深明

戴家禮頗學毛公詩備知經濟道高卧陶唐時聖主詔

天下賢人不得遺公吏奉纁組安車去茅茨君王蒼龍

闕九門十二達羣公朝謁罷冠劍下丹墀野鶴終踉蹌

威鳳徒參差或問理人術但致還山詞天書降北闕賜

帛歸東菑都門謝親故行路日逶遲一作孤帆萬里外

淼漫將何之江天海陵郡雲日淮南一作祠杳冥滄洲

上蕩泝無人知緯蕭或賣藥出處安能期

送綦母潛落第還鄉

一作送別

聖代無隱者，英靈盡來歸。遂令東山客，不得顧采薇。既

至君

一作金

門遠孰云吾道非。江淮度寒食，京洛

一作北

縫

春衣置酒臨長道

一作長安道
一作長亭送

同心與我違，行當浮桂

擢。未幾拂荆扉，遠樹帶行客。孤村

一作城

當落暉，吾謀適

不用，勿謂知音稀。

送張舍人佐江州同薛璩十韻

走筆成

東帶趨承明，守官唯謁者。清晨聽銀虬，薄暮辭金馬。受

辭未嘗易當是

御一作

方知寡清範何風流高文有風雅

忽佐江上州當自潯陽下逆旅到三湘
長途應百舍香爐遠峰出石鏡澄湖瀉
董奉杏成林陶潛菊盈把彭蠡常好之
廬山我心也送君思遠道欲以數行灑

送韋大夫東京留守

人外遺世慮空端結遐心曾是巢許淺
始知堯舜深蒼生詎有物黃屋如喬林
上德撫神運冲和穆宸襟雲雷康屯難
江海遂一作飛沈天工寄人英龍袞瞻君臨名

器苟不假保釐固其任素質貫方領清景照華簪慷慨
念王室從容獻官箴雲旗蔽三川畫角發龍吟晨揚天
漢聲夕卷大河陰窮人一作久業已寧逆虜遺之擒然後
解金組拂衣東山岑給事黃門省秋光正沈沈壯心與
身退老病隨年侵君子從相訪重玄其可尋

資聖寺送甘二

浮生信如寄薄宦夫何有來往本無歸別離方此一作正

受柳色藹春餘槐陰清夏首不覺御溝上銜悲執杯酒

留別山中溫古上人兄并示舍弟縉

解薜登天朝去師偶時

一作將

哲豈惟山中人兼負松上

月宿昔同遊止致身雲霞未開軒臨潁陽卧視飛鳥沒

好依盤石飯屢對瀑泉渴理齋小狎

一作狎小

隱道勝寧外

物舍弟官崇高宗兄此

一作比

削髮荆扉但灑掃乘閒當

過歇

一作拂

觀別者

青青楊柳陌陌上別離人愛子遊燕趙高堂有老親不

行無可養行去百憂新切切委兄弟依依向四鄰都門
帳飲畢從此謝親賓揮涕逐前侶含悽動征輪車徒望
不見時見起行塵吾一作余亦辭家久一作者看之淚滿巾

別弟縉後登青龍寺望藍田山

陌上新離別蒼茫四郊晦登高不見君故山復雲外遠
樹蔽行人長天隱秋塞心悲宦遊子何處飛征蓋

別綦母潛

端笏明光宮

一作殿

歷稔朝雲陞詔刊延閣書高議平津邸

適意偶輕人

一作輕
微綠

虛心

一作
過人

削繁禮盛得江左風彌工

建安體高張多絕弦截河有清濟嚴冬爽羣木伊洛方清

泚渭水水下流潼關雪中啓

一作
閉非

荷篠幾時還塵纓待君洗

晦日遊大理韋卿城南別業四聲依次用各六韻

與世澹無事自然江海人側聞塵外遊解驂

一作
弁

輒朱輪

平

一作
極

野照喧景上天垂春雲張組竟北阜汎舟過東鄰

故鄉信高會牢醴及佳辰

一作
家臣

幸同擊壤樂心苟堯為君

郊居杜陵下永日同攜手仁

一作
八

里靄川陽平原見峰

首園廬鳴春鳩林薄媚新柳上卿始登席故老前為壽

臨當遊

一作送

南陂約畧執杯酒歸歟絀

一作繼

微官惆悵

心自咎

冬中餘雪在墟上春流駛風日暢懷抱山川多秀

一作好天

氣彫胡先晨炊

一作豐酌

庖膾亦雲

一作後

至高情浪海嶽浮

生寄天地君子外簪纓埃塵良不啻所樂衡門中陶然

忘其貴

高館臨澄陂曠然蕩

一作望理

心目淡蕩動雲天玲瓏映墟

曲鵲巢結空林雉雊響幽谷應接無閒暇徘徊以

似一作

躑躅紆組上春堤側弁倚喬木弦望忽已晦後期洲應

綠

冬日遊覽

步出城東門試騁千里目青山橫蒼林赤日圍平陸渭

北走邯鄲關東出函谷秦地萬方會來朝九州牧雞鳴

咸陽中

一作市

冠蓋相追逐丞相過列侯羣公餞光祿相

如方

一作令

老病獨歸茂陵宿

華嶽

西嶽出浮雲積雪

一作翠

在太清連天凝

一作疑

黛色百里

遙青冥白日為之

一作大

寒森沈華陰城昔聞乾坤閉造

一作開變

化生巨靈右足踏方止

一作山

左手推削成天地忽

開拆大河注東溟遂為西峙嶽

一作嶽峙

雄雄鎮秦京大君

包覆載至德被羣生上帝佇昭告金天思奉迎人

一作神

祇望幸久何獨禪云亭

同盧拾遺過韋

一作章非

給事東山別業二十韻給

事首春休沐維已陪遊及乎是行亦預聞命會

無車馬不果斯諾

託身侍雲陞昧旦

一作早

趨華軒遂陪鸞鴻侶霄漢同飛

翻君子垂惠顧期我於田園側聞景龍際親降南面尊

萬乘駐山外順風祈一言高陽多夔龍荆山積璆璫盛

德啟前烈大賢鍾後昆侍郎文昌宮給事東掖垣謁帝

俱來下冠蓋盈丘樊闔風首邦族庭訓延鄉村采地包

山河樹井竟川原巖端回綺檻谷口開朱門階下羣峰

首雲中瀑水源鳴玉滿春山列筵先朝暎會舞何颯沓
擊鐘彌朝昏是時陽和節清晝猶未暄藹藹樹色深嚶
嚶鳥聲絲顧已負宿諾延頸慙芳蓀蹇少守窮巷高駕
難攀援素是獨往客脫冠冠情彌敦

藍田山石門精舍

英華以前八句另為一首
注云集本二詩共為一首

落日山水好漾舟信歸風探竒

一作
玩寄

不覺遠因以綠

一作

尋

源窮遙愛雲木秀

一作
翠

初疑

一作
言

路不同安

一作
誰

知

清流轉偶與前山通捨舟理輕策果然愜所適老僧四

五人道遙蔭松栢朝梵林未

一作方

曙夜禪山

一作心

更寂

道心及

一作友

牧童世事問樵客
暝宿長林

一作井

下焚香

卧瑤席澗芳襲人衣
山月暎石壁再尋畏
迷誤明發更登歷笈
謝桃源人花紅復來
覲

青谿

一作過青谿水作

言入黃花川每逐清谿水
隨山將萬轉趣途無百里
聲喧亂石中色靜深松裏
漾

一作演

漾汎菱荇澄澄暎葭葦

我心素已閒清川

一作明

澹如此請留盤石上垂釣將已

矣

崔濮陽兄季重前山興

山西去亦
對維門

秋色有佳興况君池上閒悠悠西林下自識門前山千
里橫黛色數峰出雲間嵯峨對秦國合沓藏荆關殘雨
斜日照夕嵐飛鳥還故人今尚爾歎息此頽顏

李

一作石

處士山居

君子盈天階小人甘自免方隨鍊金客林上家絕巘背
嶺花未開入雲樹深淺清晝猶自眠山鳥時一轉

丁寓田家有贈

英華作田家贈丁禹
注云集作丁寓誤也

君心尚棲隱久欲傍歸路在朝每為言解印果成趣晨

雞鳴鄰里羣動從所務農夫行餉田閨妾

一作婦

起縫素

開軒御衣服散帙理章句時吟招隱詩或製閒居賦新

晴望郊郭日暎

一作映

桑榆暮陰晝

一作陰晝

小苑城微明渭

川樹揆予宅間井幽賞何由屢道存終不忘迹異難相
過此時惜離別再來芳菲度

渭川

一作水

田家

斜陽

一作光

照墟落窮巷牛羊歸野老念牧童

一作僮僕

倚杖

候荆扉雉離麥苗秀蠶眠桑葉稀田夫荷鋤至

一作立

相

見語依依即此羨閒逸悵然吟式微

春中田園作

屋上春鳩鳴村邊杏花白持斧伐遠揚荷鋤覘泉脈歸

一作新

燕識故

一作舊

巢舊

一作故

人看新歷臨觴忽不御惆

悵遠行

一作送遠

客

過李楫宅

閒門秋草色終日無車馬客來深巷中犬吠寒林下散
髮時未簪道書行尚把與我同心人樂道安貧者一罷
宜城酌還歸洛陽社

韋侍郎山居

幸忝君子顧遂陪塵外蹤閒花滿巖谷瀑水映杉松啼
鳥忽臨澗歸雲時抱峰良遊盛簪紱繼跡多夔龍詎枉
青門道胡一作故聞長樂鐘清晨去朝謁車一作馬何
從容

飯覆金山僧

晚知清淨理日與人羣疎將候遠山僧先期埽弊廬果
從雲峰裏顧我蓬蒿居藉草飯松屑焚香看道書然燈
晝欲盡鳴磬夜方初一悟寂為樂此日一作生閒有餘思
歸何必深身世猶空虛

謁璿上人并序

上人外人內天不定不亂捨法而淵泊無心而雲
動色空無礙不物物也默語無際不言言也故吾

徒得神交焉玄關大啟德海羣泳時雨既降春物
具美序於詩者人百其言

少年不足言識道年已長事往安可悔餘生幸能養誓

從斷臂

一作
葦

血不復嬰世網浮名寄纓珮空性無羈鞅

夙承

一作
從

大導師焚香此瞻仰頽然居一室覆載紛萬

象高柳早鶯啼長廊春雨響牀下阮家屐窗前筇竹杖
方將見身雲陋彼示天壤一心在法要願以無生獎

瓜園詩

并序

維瓜園高齋俯視南山形勝二三時輩同賦是詩
兼命詞英數公同用園字為韻韻任多少時太子
司議郎薛璩發此題遂同諸公云

余適欲鋤瓜倚鋤聽叩門鳴騶導驄馬常從夾朱軒窮
巷正傳呼故人儻相存攜手追涼風放心望乾坤藹藹
帝王州宮觀一何繇林端出綺道殿頂搖華幡素懷在
青山若值白雲屯回風城西雨返景原上村前酌盈尊
酒往往聞清言黃鸝轉深木朱槿照中園猶羨松下客

石上聞清猿

自大散以往深林密竹磴道盤曲四五十里至

黃牛嶺見黃花川

危徑幾萬轉數里將三休回環見徒侶隱暎隔林丘
颯颯松上雨潺潺石中流靜言深谿裏長嘯高山頭望見
南山陽白露靄悠悠青臯麗已淨綠樹鬱如浮曾是厭
蒙密曠然銷人憂

新晴野望

一作晚

新晴原野曠極目無氛垢郭門臨渡頭村樹連谿口白
水明田外碧峰出山後農月無閒人傾家事南畝

宿鄭州

朝與周人辭暮投鄭人宿他鄉絕儔侶孤客親僮僕宛
洛望不見秋霖晦平陸田父草際歸村童雨中牧主人
東臯上時稼遠茅屋蟲思一作鳴機杼悲一作休雀喧禾黍
熟明當渡京水昨晚一作夜猶金谷此去欲何言窮邊狗

徵祿

早入滎陽界

汎舟入滎澤茲邑乃雄藩
河曲閭閻隘川中煙火縣
因人見風俗入境聞方言
秋野一作晚田疇盛朝光市井喧
漁商波上客雞犬岸旁村
前路白雲外孤帆安可論

渡河到清河作

汎舟大河裏積水窮天涯
天波忽開拆郡邑千萬家
行復見城市宛然有桑麻
回瞻舊鄉國淼漫連雲霞

苦熱

赤日滿天地，火雲成山嶽。草木盡焦卷，川澤皆竭涸。輕
紈覺衣重，密樹苦陰薄。竟篔簹不可近，絺綌再三濯。思出
宇宙外，曠然在寥廓。長風萬里來，江海蕩煩濁。却顧身
為患，始知心未覺。忽入甘露門，宛然清涼樂。

納涼

喬木萬餘株，清流貫其中。前臨大川口，豁達來長風。連
漪涵白沙，素鮪如遊空。偃卧盤石上，翻濤沃微躬。漱流
復濯足，前對釣魚翁。貪餌凡幾許，徒思蓮葉東。

西施詠

一篇一作

艷色天下重西施寧

又一篇

久徵朝仍

為一篇

越溪女暮

一作

暝作吳宮妃賤日豈殊衆貴來方悟稀邀

一作要

人傳香

一作脂

粉不自着羅衣君寵益嬌態君憐無是非當

一作常

時浣紗伴莫得同車歸持謝

一作寄言一作寄謝

鄰家子

一作女

效

顰安可希

李陵詠

時年十九

漢家李將軍三代將門子結髮有奇策少年成壯士長

驅塞上兒深入單于壘旌旗列相向簫鼓悲何已日暮
沙漠陞戰聲煙塵裏將令驕虜滅豈獨名王侍既失大
軍援遂嬰穹廬恥少小蒙漢恩何堪坐思此深衷欲有
報投軀未能死引領望子卿非君誰相理

濟上四賢詠

三首濟州
官舍作

崔錄事

解印歸田里賢哉此丈夫少年曾任俠晚節更為儒
跡一作世東山下因家滄海隅已聞能狎鳥余欲共乘桴

成文學

寶劍千金裝登君白玉堂身為平原客家有邯鄲娼使

氣公卿坐論心

一作交

遊俠場中年不得意

一作志

謝病客

遊梁

鄭霍二山人

一作寄崔鄭二山人

翩翩絲

一作京

華子多出

一作事

金張門幸有先人業早

一作

思

蒙

一作逢

明主恩童

一作同

年且未

一作未

學肉食鶩華軒

豈乏

一作知

中林士無人薦至尊鄭公

一作生

老泉石霍子

安丘樊賣藥不二價著書盈一作仍萬言息陰無惡木飲

水必清源吾一作余賤不及議斯人竟誰論

過太乙觀賈生房

昔余棲遯日之子煙霞鄰共攜松葉酒俱簍竹皮巾攀
林遍巖洞采藥無冬春謬以道門子徵為驂御臣常恐
丹液就先我紫陽賓天促萬塗盡哀傷百慮新跡峻不
容俗才多反累真泣對雙泉水還山無主人

燕子龕禪師一本有詠字

山中燕子龕路劇羊腸惡裂地競盤屈插天多峭崿瀑
泉吼而噴怪石看欲落伯禹訪未知五丁愁不鑿上人
無生緣生長居紫閣六時自槌磬一飲常帶索種田燒
白雲所漆響丹壑行隨拾栗猿歸對巢松鶴時許山神
請偶逢洞仙博救世多慈悲即心無行作周商倦積阻
蜀物多淹泊巖腹乍旁穿澗脣時外拓橋因倒樹架柵
值垂藤縛鳥道悉已平龍宮為之涸跳波誰揭厲絕壁
免捫摸山木日陰陰結跣歸舊林一向石門裏任君春

草深

羽林騎閨人

秋月臨高城城中管弦思離人
堂上愁稚子堦前戲出門復
暎戶望望青絲騎行人過欲
盡狂夫終不至左右寂無言
相看共垂淚

偶然作六首

楚國有狂夫茫然無心想散髮
不冠帶行歌南陌上孔丘與之
言仁義莫能獎未嘗肯問天何
事須擊壤復笑

采薇人胡為乃長往

田舍有老翁垂白衡門裏有時農事閒斗酒呼鄰里喧
聒茅簷下或坐或復起短褐不為薄園葵固足美動則

長子孫不曾向城市五帝與三王古來稱天

一作君

子干

戈將揖讓畢竟何者是得意苟為樂野田安足鄙且當

放

一作志

懷

二作志

去行行沒餘齒

日夕見太行沈吟未能去問君何以然世網嬰我故小
妹日成長兄弟未有娶家貧祿既薄儲蓄非有素幾回

欲奮飛跼蹐復相顧
孫登長嘯臺松竹有遺處
相去詎幾許故人在中路
愛染日已薄禪寂日已固
忽乎吾將行寧俟歲云暮

陶潛任天真其性頗耽酒
自從棄官來家貧不能有
九月日時菊花空滿手
中心竊自思儻有人送否
白衣攜壺觴果來遺老叟
且喜得斟酌安問升與斗
奮衣野田中今日嗟無負

一作有

兀傲迷東西蓑笠不能守
傾倒

強行行酣歌歸五柳生事
不曾問肯媿家中婦

一作婦

趙女彈箜篌復能邯鄲舞夫昏輕薄兒鬪雞事齊主黃
金買歌笑用錢不復數許史相經過高門盈四牡客舍
有儒生昂藏出鄒魯讀書三十年腰間一作無尺組被
服聖人教一生自窮苦

老來懶賦詩惟有老相隨宿世

一作當代

謬詞客前身應畫

師維善畫破墨山水

不能捨餘習偶被世人知名字本皆是此

心還不知唐人萬首絕句取中四句為絕句題曰題輞川圖

寓言二首

次首律髓入俠少類題曰雜詩作盧象詩

朱紱誰家子無乃金張孫
驪駒從白馬出入銅龍門
問爾何功德多承明主恩
鬪雞平樂館射雉上林園
曲陌車騎盛高堂珠翠繇
奈何軒冕貴不與布衣言

君家御溝上垂柳夾朱門
列鼎會中貴鳴珂朝至尊
生死在八議窮達由一言
須識苦寒士莫矜狐白溫

冬夜書懷

冬宵寒且永夜漏宮中發
草白靄繇霜木衰澄清月
麗服暎頰頰朱燈照華髮
漢家方尚少顧影慙朝謁

送康太守

城下滄江水江邊黃鶴樓
朱闌將粉堞江水暎悠悠
鏡吹發夏口使君居上頭
郭門隱楓岸候吏趨蘆洲
何異

臨川郡還勞

一作來

康樂侯

送權二

高人不可有

一作友

清論復何深
一見如舊識
一言知道

心明時當薄宦解
薜去中林芳草空
隱處白雲餘故岑
韓侯久攜手河嶽
共幽尋
悵別千餘里
臨堂鳴素琴

休假還舊業便使

一作盧象詩

謝病始告歸依依入桑梓家人皆竚立相候衡門裏時
輩皆長年成人舊童子上堂嘉慶畢顧與姻親齒論舊
忽餘悲目存且相喜田園轉蕪沒但有寒泉水衰柳日
蕭條秋光清邑里入門乍如客休騎非便止中飲顧王
程離憂從此始

歎白髮

我年一何長鬢髮日已白俛仰天地間能為幾時客惆

悵故山雲徘徊空日夕何事與時人東城復南陌

別弟妹二首

一作盧象詩

兩妹日成長雙鬟將及人已能持寶瑟自解掩羅巾念
昔別時小未知疎與親今來始離恨拭淚方殷勤

小弟更孩幼歸來不相識同居雖漸慣見人猶未覓宛
作越人語殊甘水鄉食別此最為難淚盡有餘憶

哭殷遙

人生能幾何畢竟歸無形念君等為死萬事傷人情慈

母未及葬一女纔十齡泱泱一作訣別寒郊外蕭條聞哭聲

浮雲為蒼茫飛鳥不能鳴行人何寂寞白日一作日色自淒

清憶昔君在時問我學無生勸君苦不早令君無所成

故人各有贈又不及生平一作平生負爾非一途慟哭返柴

荆

故南陽夫人樊氏挽歌

石窳恩榮重金吾車騎盛將朝每贈言入室還相敬疊

鼓秋城動懸旌寒日暎不言長不歸環珮猶將聽

夷門歌

七雄

一作國

雄堆猶未分攻城殺將何紛紛秦兵益圍邯

鄆急魏王不救平原君公子為嬴停駟馬執轡愈恭意

愈下亥為屠肆鼓刀人嬴乃夷門抱關者非但慷慨獻

良

一作奇

謀意氣兼將身命酬向風刎頸

一作頭

送公子七

十老翁何所求

隴頭吟

樂府詩集收此於漢橫吹曲注云隴頭水

長安城

一作城

少年遊俠客夜上戍樓看太白隴頭明月迴

臨關隴上行人夜吹笛關西老將不勝愁駐馬聽之雙
淚流身經大小百餘戰麾下偏裨萬戶侯蘇武纔為典
屬國節旄落盡

一作空盡
一作零落

海西

一作南

頭

老將行

少年十五二十時步行奪得

一作取

胡馬騎射殺中山

一作

山中一
作陰山

白額虎肯數鄴下黃鬚兒一身轉戰三千里一

劍曾當百萬師漢兵奮迅如霹靂虜騎崩騰畏疾藜衛
青不敗由天幸李廣無功緣數竒自從棄置便衰朽世

事蹉跎成白首昔時飛箭

當作崔

無全目今日垂楊生左

肘路傍時賣故侯瓜門前學種先生柳蒼

一作茫

茫古木

連

一作迷

窮巷寥

一作遠

落寒山對虛牖誓令疏勒出飛泉

不似潁川空使酒賀蘭山下陣如雲羽檄交馳日夕聞

節使三河募年少詔書五道出將軍試拂鐵衣如雪色

聊持寶劍動星文願得燕弓射天將恥令越甲鳴吳軍

一作吾君

莫嫌舊日雲中守猶堪一戰取

一作樹

功勳

燕支行

時年二十

漢家天

一作大

將才且雄來時

一作時來

謁帝明光宮萬乘親

推雙闕下千官出
餞五陵東誓辭甲第金門裏
身作長城玉塞中
衛霍才堪一騎將
朝廷不數貳師功
趙魏燕韓多勁卒
關西俠少何咆勃
報讐只是聞嘗膽
飲酒不曾妨刮骨
畫戟雕戈白日寒
連旗大旆黃塵沒
疊鼓遙翻瀚海波
鳴笳亂動天山月
麒麟錦帶佩吳鉤
颯沓青驪躍紫駟
拔劍已斷天驕臂
歸鞍共飲月支頭
漢兵大呼一當百
虜騎相看哭且愁
教戰雖令赴湯火
終知上

將先伐謀

桃源行

時年十九

漁舟逐水愛山春
兩岸桃花夾去

一作古

津坐看紅樹不

知遠行盡青溪不見人
山口潛行始隈隩
山開曠望旋

平陸遙看一處攢
雲樹近入千家散
花竹樵客初傳漢

姓名居人未改秦
衣服居人共住武
陵源還從物外起

田園月明松下房櫳靜

一作淨

日出雲中雞犬喧
驚

一作忽

聞俗客爭來集競引還家問都

一作鄉

邑平明閭巷埽花

開薄暮漁樵乘水入初因避地去人間及至一作更聞成仙

遂一作去不還峽裏誰知有人事世中遙望空雲山不疑

靈境難聞見塵心未盡思鄉縣出洞無論隔山水辭家

終擬長游衍自謂經過舊不迷安知峰一作峯壑今來變

當時只記入山深青溪幾曲一作度到雲林春來遍是桃

花水不辨仙源何處尋

洛陽女兒行時年十六
一作十八

洛陽女兒對門居纔可容顏十五餘良人玉勒乘驄馬

侍女金盤膾鯉魚畫閣朱樓盡相望紅桃綠柳垂簷向
羅帷送上七香車寶扇迎歸九華帳狂夫富貴在青春
意氣驕奢劇季論自憐碧玉親教舞不惜珊瑚持與人
春窗曙滅九微火九微片片飛花璫戲罷曾無理曲時
妝成祇是薰香坐城中相識盡繁華日夜經過趙李家
誰憐越女顏如玉貧賤江頭自浣紗

同崔傅答賢弟

洛陽才子姑蘇客桂苑

一作杜宛

殊非故

一作舊

鄉陌九江楓

樹幾回青一片揚州五湖白揚州時有下江兵
蘭陵鎮前吹笛聲夜火人歸富春郭秋風鶴唳石頭城
周郎陸弟為儔侶對舞前溪歌白紵曲几書留小史家
草堂棊賭山陰墅衣冠若話外臺臣先數夫君席上珍
更聞臺閣求三語遙想風流第一人

贈吳官

長安客舍熱如煮無箇一作過茗糜難御暑空搖白團其

諦苦欲向縹囊還歸旅江鄉鯖鮓不寄來秦人湯餅那

堪許不如儂家任挑達草屨撈鰕富春渚

故人張諲工詩善易卜兼能丹青草隸頃以詩

見贈聊獲酬之

不逐城東遊俠兒隱囊紗帽坐彈碁蜀中夫子時開卦

洛下書

一作諸

生解詠詩藥闌花逕衡門裏時復據梧聊

隱几屏風誤點惑孫郎團扇草書輕內史故園高枕度

三春永日垂帷絕四鄰自想

一作惜

蔡邕今已老更將書

籍與何人

送崔五太守

長安廐吏來到門朱文

一作朱央

露網動行軒黃花縣西九

折坂玉樹宮南五丈原
褒斜谷中不容憶
唯有白雲當

露冕子午山裏杜鵑啼
嘉陵水頭行客飯
劍門忽斷蜀

川開萬井雙流滿
眼來霧中遠樹
刀州出天際
澄江巴

字回使君年紀

一作幾

三十餘少年
白晝專城居
欲持畫

省郎官筆

一作草

回與臨邛父老書

寒食城東即事

清溪一道穿桃李演漾綠蒲涵白芷溪上人家凡幾家
落花半落東流水蹴踘屢過飛鳥上鞦韆競出垂楊裏
少年分日作遨遊不用清明蕪上已

不遇詠

北闕獻書寢不報南山種田時不登百人會中身不預
五侯門前心不能身投河朔飲君酒家在茂陵平安否
且此登山復臨水莫問春風動楊柳今人昨人多自私自
我心不說君應知濟人然後拂衣去肯作徒爾一男兒

贈裴迪

不相見不相見來久日日泉水頭常憶同攜手攜手本
同心復歎忽分襟相憶今如此相思深不深

青雀歌

與盧象崔興宗
裴迪弟縉同賦

青雀翅羽短未能遠食玉山禾猶勝黃雀爭上下唧唧
空倉復若何

黃雀癡

雜言
走筆

黃雀癡黃雀癡謂言青鷖是我兒一一口銜食養得成

毛衣到大啁解游颺各自東西南北飛薄暮空巢上
羈雌獨自歸鳳凰九雛亦如此慎莫愁思顛顛損容輝
新秦郡松樹歌

青青山上松數里不見今更逢不見君心相憶此心向
君君應識為君顏色高且閒亭亭迴出浮雲間

榆林郡歌

山頭松柏林山下泉聲傷客心千里萬里春草色黃河
東流流不息黃龍戍上游俠兒愁逢漢使不相識

問寇校書雙谿

君家少室西為復少室東別來幾日今春風新買雙谿
定何似餘生欲寄白雲中

寄崇梵僧

崇梵寺近東
阿覆金村

崇梵僧崇梵僧秋歸覆釜春不還落花啼鳥紛紛亂澗
戶山窗寂寂間峽裏誰知有人事郡中遙望空雲山

同比部楊負外十五夜遊有懷靜者季

承明少休沐建禮省文書夜漏行人息歸鞍落日餘懸

知三五夕萬戶千門闢夜出曙翻歸傾城滿南陌陌頭
馳騁盡繇華王孫公子五侯家由來月明如白日共道
春燈勝百花聊看侍中千寶騎強識小婦七香車香車
寶馬共喧闐箇裏多情俠少年競向長楊柳市北肯過
精舍竹林前獨有仙郎心寂寞却將宴坐為行樂儻覺

一作
覓

忘懷共往來幸霑同舍甘藜藿

答張五弟

終南有茅屋前對終南山終年無客常閉關終日無心

長自閒不妨飲酒復垂釣君但能來相往還

雪中憶李楫

積雪滿阡陌故人不可期
長安千門復萬戶何處躑躅
黃金羈

送李睢陽

一本以前九句自為一首

將置酒思悲翁使君去出城東
麥漸漸雉子斑槐陰陰
到潼關騎連連車遲遲

一作連連

心中悲宋又遠周間之南

淮夷東齊兒碎碎織練與素絲
遊人賈客信難持五穀

前熟方可為下車閉閣君當思天子當殿儼衣裳大官
尚食陳羽觴彤庭散綬垂鳴璫黃紙詔書出東廂輕紈
疊綺爛生光宗室子弟君最賢分憂當為百辟先布衣
一言相為死何況聖主恩如天鸞聲噦噦魯侯旂明年
上計朝京師須憶今日斗酒別慎勿富貴忘我為

奉和聖製天長節賜宰臣歌應制

太陽升兮照萬方開閭闔兮臨玉堂儼冕旒兮垂衣裳
金天淨兮麗三光彤庭曙兮延八荒德合天兮禮神徧

靈芝生兮慶雲見
唐堯后兮稷高臣
匝宇宙兮華胥人
盡九服兮皆四鄰
乾降瑞兮坤降一作珍
獻

登樓歌

聊上君兮高樓飛
薨鱗次兮在下俯
十二兮通衢綠槐
參差兮車馬却瞻
兮龍首前眺兮宜春
王畿鬱兮千里
山河壯兮咸秦
舍人下兮青宮據
胡牀兮書空執戟
疲於下位老夫好
隱兮牆東亦幸有
張伯英草聖兮龍
騰蚪躍擺長雲兮
捩迴風琥珀酒兮
彫胡飯君不御兮
日

將晚秋風兮吹衣夕鳥兮爭返孤砧發兮東城林薄暮
兮蟬聲遠時不可兮再得君何為兮偃蹇

雙黃鵠歌送別

時為節度判
官在涼州作

天路來兮雙黃鵠雲上飛兮水上宿撫翼和鳴整羽族
不得已忽兮飛家在玉京朝紫微主人臨水送將歸悲
笳嘹唳垂舞衣賓欲散兮復相依幾往返兮極浦尚襄
回兮落暉岸一作塞上火兮相迎將夜入兮邊城鞍馬歸
兮佳人散悵離憂兮獨含情

贈徐中書望終南山歌

晚下兮紫微帳塵事兮多違
駐馬兮雙樹望青山兮不
歸

送友人歸山歌二首

離騷題作
山中人

山寂寂兮無人又蒼蒼兮多木
羣龍兮滿朝君何為兮
空谷文寡和兮思深道難知
兮行獨悅石上兮流泉與
松間兮草屋入雲中兮養雞
上山頭兮抱犢神與棗兮
如瓜虎賣杏兮收穀愧不才
兮妨賢嫌既老兮貪祿誓

解印兮相從何詹尹兮何

一作可卜

山中人兮欲歸雲冥冥兮雨霏霏水驚波兮翠管靡白
鷺忽兮翻飛君不可兮褰衣山萬重兮一雲混天地兮
不分樹暍暖兮氛氳猿不見兮空聞忽山西兮夕陽見
東一作桔皋兮遠村平蕪綠兮千里眇惆悵兮思君

魚山神女祠歌

一作漁山神女智瓊祠二首
張茂先神女賦序曰魏濟北從

事弦超嘉平中夜夢神女來自稱天上玉女姓
成公字智瓊東郡人早失父母天地哀其孤苦
令得下嫁後三四日一來即乘輜軒衣羅綺智
瓊能隱其形不能藏其聲且芬香達于室宇頗

為人知一日神女別去留贈帟衫襌襦述征記
曰魏嘉平中有神女成公智瓊降弦超同室疑
其有姦智瓊乃絕後五年超使將之洛西至濟
北漁山下陌上遙望曲道頭有車馬似智瓊果
至洛克復舊好唐王勃雜曲曰智瓊神女來訪
文君按十道志云漁山一名吾山漢武帝過漁
山作瓠子歌云吾山
平兮巨野濫是也

迎神

一本二首題
下並有曲字

坎坎擊鼓魚山之下吹洞簫望極浦女巫進紛屢舞陳

瑤席湛清醑風淒淒兮

一作

夜雨不知

一本無此二字

神之來

兮不來使我心兮苦復苦

一作使我心苦

送神

紛進舞

一作拜

兮堂前日眷眷兮瓊筵來不言

一作語

兮意

不傳作暮雨兮愁空山悲急管兮

一本無兮字

思絃神

一作

靈

之駕兮儼欲旋倏雲收兮雨歇山青青兮水潺潺

白鼇渦

雜言走筆

南山之瀑水兮激石瀉

一作瀉

瀑似雷驚人相對兮不聞

語聲翻渦跳沫兮蒼苔濕蘚老且厚春草為之不生獸

不敢驚動鳥不敢飛鳴白鼇渦濤戲瀨

一作激

兮委身以

縱橫王

一作主

人之仁兮不網不釣得遂性以生成

宋進馬哀詞

并序

宋進馬者中書舍人宋公之子也公無弟兄子一而已文則有種德亦惟肖忽疾條逝暨不及視宋公哀之他人悲之故為詞曰

背春涉夏兮衆木藹以緜陰連金華與玉堂兮宮閣鬱其沈沈百官並入兮何語笈之啞啞君獨靜嘿以傷心草王言兮不得辭我悲減思兮少時僕夫命駕兮出閭

閨歷通達陌上人兮如故識不識兮往來眼中不見兮
吾兒駢紕騮兮從青驪低光垂彩兮恍不知其所之闕
朱戶兮望華軒意斯子兮候門忽思瘞兮城南心脅亂
兮重昏仰訴天之不仁兮家唯一身身止一子何胤嗣
之不繇就單尠而又死將清白兮遺誰問詩禮兮已矣
哀從中兮不可勝豈暇料餘年兮復幾日黯黯兮顏擘
鳥翩翩兮疾飛邈窮天兮不返疑有日兮來歸靜言思
兮永絕復驚叫兮沾衣客有弔之者曰觀未始兮有物

同委蛻兮胡悲且延陵兮未至况西河兮不知學無生
兮庶可幸能聽於吾師

御定全唐詩卷一百二十五

謹案卷一百二十四第三頁前五行銀鑰重關聽
未闕刊本鑰訛鎖據別本改

卷一百二十五第四頁後四行盡繫名王頸按文
苑英華名作蕃

第六頁後四行詎肯無公事煩君問是非按別本
作對此能無憶勞君問是非

第十一頁前七行酬黎居士浙川作按後魏置浙川
縣本漢時析縣地以地有浙水故名刊本浙訛

浙今改

第十五頁後三行彭蠡常好之刊本彭訛范據右
丞集改

第十六頁前四行壯心與身退按右丞集壯心作
功名

第四十三頁後六行一作漁山神女智瓊祠刊本
智瓊訛瓊智據原集及下文改

第四十四頁前二行至濟北漁山下陌上刊本陌

訛陷據右丞集改



總校官庶吉士臣張能照

校對官檢討臣蕭九成

謄錄貢生臣郭棣泰

欽定四庫全書會要

集部

御定全唐詩卷一百二十八

六至

臣 紀昀 詳校
詳校官候補通政司經歷 郭祚熾



欽定四庫全書薈要卷一萬七千五百三十一

集部

御定全唐詩卷一百二十六

王維

奉和聖製賜史供奉曲江讌應制

侍從有鄒枚瓊筵就水開言陪柏梁宴新下一作自建章

來對酒山河滿移舟草樹迴天文同麗日駐景惜行杯
從岐王過楊氏別業應教

揚子談經所一作處淮王載酒過興闌啼鳥換一作緩坐久

落花多逕轉迴銀燭林開散玉珂嚴城時未啟前路擁

引一作笙歌

從岐王夜宴衛家山池應教

座客香貂滿宮娃綺幔張澗花輕粉色山月少燈光積
翠紗窗暗一作透飛泉繡戶涼還將歌舞出歸路莫愁長

早朝

柳暗百花明春深五鳳城城烏一作鴉睥睨曉宮井轆轤

聲方朔金門侍

一作名

班姬玉輦迎仍聞遣方士東海訪

蓬瀛

同崔負外秋宵寓直

建禮高秋夜承明候曉過九門寒漏徹萬井曙鐘多月
迴藏珠斗雲消一作開出絳河更慙衰朽質南陌共鳴珂

輞川閒居贈裴秀才迪

寒山轉蒼翠秋水日潺湲倚杖柴門外臨風聽暮蟬渡
頭餘落日墟里上孤煙復值接輿醉狂歌五柳前

寄荊州張丞相

所思竟何在，悵望深荆門。舉世無相識，終身思舊恩。方

將與農圃藝，植老丘園目。盡南飛

一作無

鴈，何由寄一言。

冬晚對雪憶胡居

一作處

士家

一作王劭詩非

寒更傳曉箭

一作催唱曉

清鏡覽

一作減

衰顏隔牖風，驚竹開

門

一作簾

雪滿山灑空，深巷靜積素。廣庭閒借問，袁安舍

儵然尚閉關。

和尹諫議史館山池

開元二十年道士尹愔為諫議大夫知史館事故詩

有莫上空虛之句

雲一作靈館接天居霓裳侍玉除春池百子一作草外芳樹

萬年餘洞有仙人籙山藏太史書君恩深漢帝且莫上

空

一作雲

虛

奉和楊駙馬六郎秋夜即事

高樓月似霜秋夜鬱金堂對坐彈盧女同看舞鳳凰少
兒多送酒小玉更焚香結束平陽騎明朝入建章

酬虞部蘇員外過藍田別業不見留之作

貧居依谷口喬木帶荒村石路枉迴駕山家誰候門漁

舟膠凍浦獵火燒

一作繞

寒原唯有白雲外
疎鐘聞夜猿

酬比部揚負外暮宿琴臺朝躋書閣率爾見贈

之作

一作盧照鄰詩

舊簡拂塵看鳴琴候

一作侯

月彈桃源

一作花

迷漢姓松樹

一作徑

有秦官空谷歸人少
青山背日寒
羨君棲隱處
遙

望白雲端

酬嚴少尹徐舍人見過不過

公門暇日少窮巷故人稀
偶值乘籃輦非闕避白衣不

知炊黍谷誰解埽荆扉君但傾茶椀無妨騎馬歸

酬張少府

晚年唯好靜萬事不關心自顧無長策空知返舊林松
風吹解帶山月照彈琴君

一作若

問窮通理漁歌入浦深

酬賀四贈葛巾之作

野巾傳惠好茲貺重兼金嘉此幽棲物能齊隱吏心早
朝方暫挂晚沐復來簪坐覺囂塵遠思君共入林

送丘為落第歸江東

憐君不得意况復柳條春為客黃金盡還家白髮新五

湖三畝宅

一作地

萬里一歸人知爾

一作禍

不能薦羞稱

一作

為
獻納臣

送李判官赴東江

一作江東

聞道皇華使方隨阜蓋臣封章通左語冠冕化文身樹
色分揚子潮聲滿富春遙知辨壁吏思到泣珠人

送封太守

忽解羊頭削聊馳熊首轡揚舲發夏口按節向吳門帆

暎丹陽郭楓攢

一作藏

赤岸村百城多候吏露冕一何尊

送嚴秀才還蜀

寧親為

一作真

令子似舅即賢甥別路經花縣還鄉入錦

城山臨青塞斷江向白雲平獻賦何時至明君憶長卿

送張判官赴河西

單車曾出塞報國敢邀勲見逐張征虜今思霍冠軍沙
平連白雪蓬卷入黃雲慷慨倚長劍高歌一送君

送岐州源長史歸

同在崔常侍幕
中時常侍已歿

握手一相送，心悲安可論。
秋風正蕭索，客散孟嘗門。
故驛通槐里，長亭下槿原。
征西舊旌節，從此向河源。

送張道士歸山

先生何處去，王屋訪茅君。
一作毛別婦留丹訣，驅雞入白

雲人間。若剽

一作苦難
一作數剽

住天上，復離羣。當作遼城鶴，仙

歌使爾聞

同崔興宗送衡嶽瑗公南歸

并序

衡嶽瑗上人者，嘗學道於五峰。蔭松棲雲，與狼虎

雜處得無所得矣天寶癸巳歲始遊于長安手提瓶笠至
自萬里燕居吐論緇屬高之初給事中房公謫居宜春與
上人風土相接因為道友伏臘往來房公既海內盛名上
人亦以此增價秋九月杖錫南返扣門來別秦地草木槭
然已黃蒼梧白雲不日而見滇陽有曹谿學者為我謝之
言從石菌閣新下穆陵關獨向池陽去白雲留故山綻
衣秋日裏洗鉢古松間一施傳心法唯將戒定還

送錢少府還藍田

草色日向好桃源人去稀手持平子賦目送老萊衣每
候山櫻發時同海燕歸今年寒食酒應是一作得返柴扉

送丘為往唐州

宛洛有風塵君行多苦辛四愁連漢水百口寄隨人槐
色陰清晝楊花惹暮春朝端肯相送天子繡衣臣

送元中丞轉運江淮

一作錢起詩

薄賦一作稅歸天府輕徭賴使臣歡霑賜帛老恩及卷綃

人去問珠

一作珠

官俗來經石蛙

一作幾却

春東南御

一作卸又作高

並亭上莫使

一作問

有風塵

石蛙春用文選石蛙應節而揚葩語江淹石劫賦序一名

蕞蔞蚌蛤類也春而發花按本草謂之石決明御亭

舊本作高亭楊慎改為卸亭丹鉛總錄云卸亭在晉陵

庾信詩銜亭一回望風塵千里昏是也按庾集元作御

亭姑蘇志望亭驛去郡北五十里先名御亭唐太守李

襲譽以庾詩中回望語改望亭則高亭當

作御亭或望亭為是李嘉祐有望亭詩

送崔九興宗遊蜀

送君從此去轉覺故人稀
徒御猶回首田園方掩扉
出

門當旅食中路授寒衣
江漢風流地遊人何歲

一作處歸

送崔興宗

已恨親皆遠誰憐友復稀
君王未西顧遊宦盡東歸
塞

迴一作關

山河淨天長雲樹微
方同菊花節相待洛陽扉

送平澹然判官

不識陽關路新從定遠侯
黃雲斷春色畫角起

一作起

邊

愁瀚海經年到

一作別

交河出塞流須令外國使知

一作只

飲月氏頭

送劉司直赴安西

絕域陽關道胡沙

一作煙

與塞塵三春時有鴈萬里少行

人首蒼隨天馬葡萄逐漢臣當令外國懼不敢覓和親
送趙都督赴代州得青字

天官動將星漢上

地一作

柳條青萬里鳴刁斗三軍出井

陘忘身辭鳳闕報國取龍庭豈學書生輩窻間

一作老

一作著
一經

送方城韋明府

遙思葭莢際寥落楚人行高鳥長淮水平蕪故郢城使
車聽雉乳縣鼓應雞鳴若見州從事無嫌手板迎

送李負外賢郎

少年何處去負米上銅梁
借問阿戎父知為童子郎
魚鱗請詩賦撞布作衣裳
蕙苾扶衰病歸來幸可將

送梓州李使君

萬壑樹參天千山響一作鄉音聽
杜鵑山中一夜一作半雨樹

杪百重泉漢女輸撞一作實
布巴人訟芋田文翁翻教授

不敢倚先賢

送張五諶歸宣城

五湖千萬里，况復五湖西。
漁浦南陵郭，人家春穀谿。
欲歸江淼淼，未到草萋萋。
憶想蘭陵鎮，可宜猿更啼。

一作
夜

啼

送友人南歸

萬里春應盡，三江鴈亦稀。
連天漢水廣，孤客郢城歸。
鄖國稻苗秀，楚人菰米一作菜肥。
懸知倚門望，遙識老萊衣。

送賀遂負外甥

南國有歸舟，荆門沂上流。
蒼茫葭菼外，雲水與一作同昭

昭

丘檣帶城烏，去江連暮雨。
愁猿聲不可聽，莫待楚山秋。

送揚長史赴果州

褻斜不容憶之子去何之鳥道一千里猿聲

一作啼

十二

時官橋祭酒客山木女郎祠別後同明月君應聽子規

送邢桂州

鏡吹喧京口風波下洞庭赭圻將赤岸擊汰復揚舲日
落江湖白潮來天地青明珠歸合浦應逐使臣星

送宇文三赴河西充行軍司馬

橫吹

一作笛

雜繁笳邊風捲塞沙還聞田司馬更逐李輕

車蒲類

一作壘

成秦地莎車

一作居

屬漢家當令犬戎國朝

聘學昆邪

送孫二

郊外

一作郭

誰相

一作將

送夫君道術親書生鄒魯客才子

洛陽人祖席依寒草行車起

一作薄

暮塵山川何

一作向

寂

寞長望淚沾巾

送崔三往密州覲省

南陌去悠悠東郊不少留同懷扇枕戀獨念

一作解

倚門

愁路遶天山雪家臨海樹秋魯連功未報且莫蹈滄洲

送孟六歸襄陽

一作張
子容詩

杜門不復

一作欲

出久與世情疎以此為良

一作長

策勸君

歸舊廬醉歌田舍酒笑讀古人書好是一生事無勞獻

子虛

初出濟州別城中故人

一作被
出濟州

微官易得罪謫去濟川陰執政方持法明君照

一作無此

心間閻河潤上井邑海雲深縱有歸來日各

一作多

愁年

鬢侵

與盧象集朱家

主人能愛客終日有逢迎
貫得新豐酒復聞秦女箏
柳條疎客舍槐葉下秋城
語笑且為樂吾將達此生

登裴秀才廸小臺

端居不出戶滿目望

一作空

雲山落日鳥邊下秋原人外

閒遙知遠林際不見此簷間
好客多乘月應門莫上關

遊李山人所居因題屋壁

世上

一作人一事

皆如夢狂來止

一作或

自歌問年松樹老

有地竹林

一作陰

多藥倩韓康賣門容尚子過翻嫌枕席

上無那

一作奈

白雲何

過崔駙馬山池

畫樓吹笛妓金梳

一作埒

酒家胡錦石稱貞女青松學大

夫脫貂貫桂醕

一作酌

射鴈與山厨聞道高陽會愚公谷

正愚

過福禪師蘭若

巖壑轉

一作帶

微逕雲林隱法堂羽人飛奏樂天女跪焚

香竹外峰偏曙藤陰水更涼欲知禪坐久行路長春芳

過香積寺

一作王昌齡詩

不知香積寺數里入雲峰古木無人逕深山何處鐘泉
聲咽危石日色冷青松薄暮空潭曲安禪制毒龍

過感化

一作配一作化感

寺曇興上人山院

與裴迪同作

暮持筇竹杖相待虎谿頭催客聞山響歸房逐水流野

花叢發好谷鳥一聲幽夜坐空林

一作村

寂松風直似秋

夏日過青龍寺謁操禪師

與裴迪
同作

龍鍾一老翁徐步謁禪宮
欲問義心義遙知空病空
山河天眼裏世界法身中
莫怪銷炎熱能生大地風

登辨

一作
新

覺寺

竹徑從

一作
連

初地蓮峰出化城
窗中三楚盡

一作
靜

林上

一作
外

九江平軟

一作
嫩

草承趺生長松響梵聲空
居法雲

外觀世得無生

喜祖三至留宿

門前洛陽客下馬拂征衣不枉故人駕平生多掩扉行
人返深巷積雪帶餘暉早歲同袍者高車何處歸

黎拾遺昕裴秀才迪見過秋夜對雨之作

促織鳴已急輕衣行向

一作尚

重寒燈坐高館秋雨聞疎

鐘白法調狂象玄言問老龍何人顧蓬徑空愧求羊蹤

慕容承攜素饌見過

紗帽烏皮几閒居嬾賦詩門看五柳識年筭六身知靈
壽君王賜彫胡弟子炊空勞酒食饌持底解人頤

晚春嚴少尹與諸公見過

松菊荒三逕圖書共五車烹葵邀上客看竹到貧家
鵲乳先春草鶯啼過落花自憐黃髮暮一倍惜年華

鄭果州相過

麗

一作科

日照殘春初晴草木新牀前

一作頭

磨鏡客樹下

一作林裏

灌園人五馬驚窮巷雙童逐老身中厨辦麤飯當

恕

一作常恐

阮家貧

山居秋暝

空山新雨後天氣晚來秋明月松間照清泉石上流竹
喧歸浣女蓮動下漁舟隨意春芳歇王孫自可留

終南別業

一作初至山中一作
入山寄城中故人

中歲頗好道晚家南山陲興來每獨往勝事空一作
祇自

知行到水窮處坐看雲起時偶然值一作
見林一作
鄰叟談

笑無一作
滯還期

歸嵩山作

清一作
晴川帶長薄車馬去閒閒流水如有意暮禽一作
雲

相與還荒城臨古渡落日滿秋山迢遞嵩高下歸來且

閉

一作掩

關

歸輞川作

谷口疎鐘動漁樵稍欲稀悠然遠山暮獨向白雲歸菱
蔓弱難定楊花輕易飛東臯春草色惆悵掩柴扉

韋給事山居

幽尋得此地詎有一人曾大壑隨階轉羣山入戶登庖
厨出深竹印綬隔垂藤即事辭軒冕誰云病未能

山居即事

寂寞掩柴扉，蒼茫對落暉。
鶴巢松樹遍，人訪蕪門稀。
綠竹含新粉，紅蓮落故衣。
渡頭煙火起，處處采菱歸。

終南山

題下一有行字
一作終山行

太乙近天都，連山

一作天

接

一作到

海隅，白雲迴望合青靄。

入看無分野，中峰變陰晴。
衆壑殊欲投，人處宿隔水。

一作

浦
問樵夫

輞川閒居

一從歸白社不復到青門時倚檐前樹遠看原上村青
菰臨水拔白鳥向山翻寂寞於陵子桔槔方灌園

春園即事

宿雨乘輕屐春寒著弊袍開畦分白水間柳發紅桃草
際成棊局林端舉桔槔還持鹿皮几日暮隱蓬蒿

淇上田園即事

屏居淇水上東野曠無山日隱桑柘外河明閭井間牧
童望村去獵犬隨人還靜者亦何事荆扉乘晝關

涼州郊外遊望

時為節度判
官在涼州作

野老纔三戶邊邨少四鄰
婆婆安依里社簫鼓賽田神
灑酒澆芻狗焚香拜木人
女巫紛屢舞羅襪自生塵

觀獵

紀事題曰獵騎樂府詩集萬首絕
句以前四句作五絕並題曰戎渾

風勁

一作動

角弓鳴將軍獵渭城草枯鷹眼疾
雪盡馬蹄

輕忽過新豐市還歸細柳營
迴看射鵰

一作落雁
一作失雁

處千

里暮雲平

春日上方

一作房

即事

好讀高僧傳時看辟穀方鳩形將刻杖龜殼用支牀柳

色春山映梨花

一作花明

夕鳥藏北窗桃李下閒坐

一作步

但

焚香

漢江臨汎

楚塞三湘接荆門九派通江流天地外山色有無中郡

邑浮前浦波瀾動遠空襄陽好風日

一作風日好

留醉與山

翁

一作公

汎前陂

秋空自明

一作明月

迴况復遠人間

一作寰

暢以沙際鶴燕之

雲外山澄波

一作陂

澹將夕清月皓方閒此夜任孤擢夷

猶殊未還

登河北城樓作

井邑傳

一作傳

巖上客亭雲霧間高城眺落日極浦暎蒼

山岸大孤舟宿漁家夕鳥還寂寥天地暮心與廣川閒

干塔主人

逆旅逢佳節征帆未可前窗臨汴河水門渡楚人船雞

犬散墟落桑榆蔭遠田所居人不見枕席生雲煙

使至塞上

單車欲問邊屬國過居延

一作衝命辭天
闕單車欲問邊

征蓬出漢塞

歸雁入胡天大漠孤煙直長河落日圓蕭關逢候吏

一作

騎

都護在燕然

晚春歸

一作
閨

思

一作
春閨

新妝可憐色落日卷羅

一作
簾

帷鑪

一作
淑

氣清珍簾墻陰

上玉墀春蟲飛網戶暮雀隱花枝向晚多愁思閒窗桃

李時

戲題示蕭氏甥

憐爾解臨池渠翁未學詩老夫何足似弊宅倘因之蘆

笋穿

一作藏

荷葉菱花冒雁兒郝公不易勝莫著外家欺

秋夜獨坐

一作冬夜書懷

獨坐悲雙鬢空堂欲二更雨中山果落燈下草蟲鳴白
髮終難變黃金不可成欲知除老病唯有學無生

待儲光義不至

重門朝已啟，起坐聽車聲。
要欲聞清佩，方將出戶迎。
晚鐘鳴上苑，疎雨過春城。
了自不相顧，臨堂空復情。

聽宮鶯

春樹遶宮牆，宮鶯囀曙光。

一作春鶯
次第翔

忽驚啼暫斷，移處

弄還長。隱葉棲承露，攀

一作
排

花出未央。遊人未應返，為

此始思

一作
思故

鄉

雜詩

雙燕初命子，五桃新作花。
王昌是東舍，宋玉次西家。
小

小能織綺時時出浣紗親勞使君問南陌駐香車

留別錢起

英華題云晚歸藍田酬中書常舍人贈別或作錢起詩題云晚歸藍田酬

王維
給事

卑栖却得性每與白雲歸徇祿仍懷橘看山免採薇

錢起

集作別山如昨日春露已霑衣采蕨頻盈手看花空厭歸

暮禽先去馬新月待開扉

霄漢時回首知音青瑣闈

留別丘為

歸鞍白雲外繚繞出前山今日又明日自知心不閒親

勞簪組送欲起鶯花還一步一回首遲遲向近關

愚公谷三首

青龍寺與
黎昕戲題

愚谷與誰去唯將黎子同非須一處住不那兩心空寧
問春將夏誰論西復東不知吾與子若箇是愚公

吾一作愚家愚谷裏此谷本來平雖則行無跡還能響應

聲不隨雲色暗只待日光明緣底名愚谷都由愚所成
借問愚公谷與君聊一尋不尋翻到谷此谷不離心行
處曾無險看時豈有深寄言塵世客何處欲歸一作臨

林一作

訕慕容十一

行行西陌返駐幘問車公
挾轂雙官騎應門五尺僮
老年如塞北強起離墻東
為報壺丘子來人道姓蒙

過始皇墓

時年十五一
作二十一

古墓成蒼嶺幽宮象紱臺
星辰七曜隔河漢九泉開
有海人寧渡無春雁不迴
更聞松韻切疑是大夫哀

恭懿太子挽歌五首

何悟藏環早纔知拜壁年
泚天王子去對日聖君憐樹
轉宮猶出笳悲馬不前
雖蒙絕馳道京兆別開阡

蘭殿新恩切椒宮夕臨幽
白雲隨鳳管明月在龍樓
人向青山哭天臨渭水愁
雞鳴常問膳今恨玉京留

騎吹凌霜發旌旗夾路陳
凱

一作禮

容金節護冊命玉符

新傳母悲香祿君家擁畫輪
射熊今夢帝秤象問何人
蒼舒留帝寵子晉有仙才
五歲過人智三天使鶴催心

悲陽

一作四

祿館目斷望思臺若道長安近
何為更不來

西望昆池閣東瞻下杜平山朝豫章館樹轉鳳凰城五
枝連旗色千門疊鼓聲金環如有驗還向畫堂生

故太子太師徐公挽歌四首

功德冠羣英彌綸有大名軒皇用風后傳說是星精就

第優遺老來朝詔不名

英華注云
疊押名字

留侯常辟穀何苦不

長生

謀猷為相國翊戴奉宸

一作
乘

輿劍履升前殿貂蟬託後

車齊侯疏土宇漢室賴圖書僻處留田宅仍纔十頃餘

舊里趨庭日新年置酒辰聞詩驚渚客獻賦鳳樓人北

首一作

辭明主東堂哭大臣猶思御朱輅不惜汙車茵

久踐中台座終登上將壇誰言斷車騎空憶盛衣冠風
日咸陽慘笳簫渭水寒無人當便闕應罷太師官

故西河郡杜太守挽歌三首

天上去西征雲中護北平生擒白馬將連破黑鵬城忽

見芻靈苦

一作善

徒聞竹使榮空留左氏傳誰繼卜商名

返奠金符守同歸石窳妻卷衣悲畫翟持筓待鳴鷄容

衛都人慘山川
駟馬嘶猶聞隴上客
相對哭征西
塗窮去國門祕器
出東園太守留金印
夫人罷錦軒旌
旗轉衰木簫鼓上
寒原墳樹應西靡
長思魏闕恩

故南陽夫人樊氏挽歌

錦衣餘翟茀
繡轂罷魚軒
淑女詩長在
夫人法尚存
凝笳隨曉旆
行哭向秋原
歸去將何見
誰能返戟門

達奚侍郎夫人寇氏挽詞二首

題上一有吏部二字

束帶將朝日
鳴環映牖辰
能令諫明

一作皇

主相勸識賢

人遺挂空留壁迴文日覆塵金蠶將畫柳何處更知春
女史悲彤管夫人罷錦軒卜瑩占二室行歿度千門秋
日光能淡寒川波一作浪自翻一朝成萬古松柏暗平原

送孫秀才

紀事作
王縉詩

帝城風日好况復建平家玉枕雙文簾金盤五色瓜山
中無魯酒松下飯胡麻莫厭田家苦歸期遠復賒

御定全唐詩卷一百二十六